



①

Nge Lenda Yela

MPULUSU-

Bakisa mbote
inki nge mene kusala
ntangu nge ndimaka
Yesu Kristo.

²⁴"Mono ke tubila beno mambu ya kieleka: muntu yina ke waka malongi na mono, mpe ke kwikilaka muntu yina tinda-ka mono, yandi ke na moyo ya mvula na mvula. Yandi ta baka ndola ve, kansi yandi me basika na lufwa, yandi me baka moyo.

Jean 5:24


¹⁷Kana muntu kele na kimvuka ti Klisto, yandi me kuma muntu mosi ya mpa: mambu na yandi ya ntama me mana, mambu ya mpa me kwisa kuyinga na yandi.

2 Korinte 5:17

Nge Lenda Yela



Jean 5:24
2 Korinte 5:17



②

ASSURANCE-

Zaba mbote nde,
nge mene kuguluka,
sambu ndinga ya Nzambi
mene kutuba yo.

1 Jean 5:13

Moyo ya mvula na mvula

¹³Beno bayina me ndimaka Mwana-Nzambi, mono ke soni-kila beno mambu yai na mpila nde beno kuzaba nde, beno ke na moyo ya mvula na mvula.

Nge Lenda Yela



1 Jean 5:13



3

LOMBILU-

Samba Nzambi konso lumbu. Lomba lusadusu na Yandi. Samba to lomba ve ata fioti na bayankaka, ata bantu, ata bafwa, ata basantu, ata bawanzio.



Filipe 4:6-7

Efeze 3:12

Luc 4:8

1 Timothee 2:5

Efeze 5:33

³³kansi beno mpe: konso bakala fweti zola nkento na yandi bonso yandi mosi, mpe konso nkeno fweti zitisa bakala na yandi.

Ba-Hebreu 13:4

⁴Bika bantu yonso kuzitisa makwela; konso muntu yina me kwela yandi fweti zinga kaka na muntu yina ya yandi me kwela na yandi, ata nkento, ata bakala. Nzambi ta pesa ndola na bantu yina ke salaka pite, ata na bayina me kwelaka, ata na bayina me kwelaka ve.



4

NDINGA YA NZAMBI—

Tanga ndinga ya Nzambi, to kuwa yo konso lumbu.



Bisalu 17:11

Mathieu 5:19

Luc 4:4

Bisalu 17:11

¹¹Bantu ya Bérée vandaka na mabanza ya mbote kuluta mabanza ya bantu ya Tesalonike, sambu bo ndimaka nsangu ya Nzambi na luzolo yonso. Konso kilumbu bo vandaka kuzikisa mbote-mbote na Mukanda ya Nzambi sambu na kutala kana mambu yina ya Paul vandaka kutuba vandaka kwenda kiteso mosi. ¹²Bantu


Mathieu 5:19

¹⁹Yo yina, konso muntu yina ke landaka ve ata mambu mosi ya kuluta fioti na bansiku yai, mpe ke longaka na bantu ya nkaka na kusala mutindu mosi, yandi ta vanda muntu mosi ya mfunu mingi ve na Kimfumu ya Nzambi. Kansi konso muntu yina ke landaka Bansiku, mpe ke longaka bantu ya nkaka na kusala mutindu mosi, yandi ta vanda muntu mosi ya mfunu na Kimfumu ya Nzambi.

Mathieu 4:4

⁴Yesu nde: "Bo sonikaka na Mukanda ya Nzambi nde: 'Muntu ke zingaka kaka ve sambu na mampa ya yandi ke diaka.'"





LUZINGU-

Sala mambu yonso na luzingu na nge sambu na kupesa Yesu kiese.



2 Korinte 5:15
1 Korinte 10:31



1 Korinte 10:31

³¹Ebuna, konso mambu yina ya beno ke sala - ata beno ke dia, ata beno ke nwa, ata beno ke sala konso mambu ya nkaka - beno sala mambu yina yonso sambu na kupesa Nzambi lukumu.

2 Korinte 5:15

¹⁵Klisto me fwaka sambu na bantu yonso, sambu bantu yina ke na moyo, bo zinga sambu na bo mosi diaka ve, kansi sambu na Klisto yina me fwaka, mpe ya Nzambi me tedimisaka na lufwa sambu na bo.



MASUMU-

Kana nge sala mambu mosi, ata mambu ya floti, ya kele kupesa Yesu kiese ve, zaba nde mambu yina ikele masumu. Ebuna, mbote nge ndima masumu na nge nswalu. na Nzambi, ti lombi ndolula na Kaka Nzambi mpamba lenda kulolula nge.



1 Jean 1:9
1 Jean 2:1
Marc 2:7



Marc 2:7

⁷"Inki mutindu muntu yai lenda tuba mpidina? Yandi ke wenza Nzambi. Nani lenda bikisila muntu ya masumu? Kaka Nzambi yandi mosi!"

7



MBOTIKA—

Botama na masa bonso
kidimbu na meso ya bantu
ya kele kusonga nde nge
mene kundima Yesu Kristo.



Rome 6:4
Bisalu 8:37



Rome 6:4

⁴Mbotika na beto ke songa nde, beto fwaka ti Klisto, mpe bo zikaka beto ti yandi; mpidina, mutindu Tata Nzambi tedimisaka Klisto na lufwa na ngolo na yandi ya lukumu, mutindu yina mpe beto ta zinga na luzingu mosi ya mpa.

Bisalu 8:36-37

³⁶Ntangu bo vandaka ke kwenda na nzila, bo kumaka na masa mosi, ebuna muntu yango tubaka nde: "Tala masa. Inki mambu ta kanga mono nzila na kubaka mbotika?"

[³⁷Philippe nde: "Kana nge kwikila na ntima na nge yonso, nge lenda baka mbotika." Muntu yango nde: "Mono me kwikila nde, Yesu Klisto kele Mwana-Nzambi."]

8



DIBUNDU—

Kota na kintwadi ya dibundu.
Ya inki dibundu? Ya dibundu
ya kele kukwikila ti kele kulonga
mbote Ndinga ya Nzambi.
Bika kintwadi ya bantu to
dibundu ya ntama, kana bo
kwikila ve Ndinga ya Nzambi.



2 Korinte 6:14-18
Ba-Hebreu 10:25



2 Korinte 6:14-18

Muklisto lenda vukana ve ti mumpani

¹⁴Beno kwenda kuvukana ve ti bampani, sambu mambu ya mutindu yina lenda salama ve. Sambu, inki mutindu mambu ya mbote lenda vukana ti mambu ya imbi? Inki mutindu mwini lenda vukana ti mpimpa? ¹⁵Inki mutindu Klisto lenda wakana ti Satana? To inki mutindu muklisto lenda vukana ti mumpani? ¹⁶Inki mutindu inzo-Nzambi lenda vukana ti biteki ya bampani? Sambu beto kele inzo ya Nzambi ya moyo, mutindu Nzambi mosi tubaka nde:

"Mono ta zingaka ti bo, mpe mono ta tambulaka ti bo, Mono ta vanda Nzambi na bo ebuna bo ta vanda bantu na mono."

¹⁷Yo yina, Nzambi-Mpungu ke tuba nde:

"Beno fweti bikisa bo, beno fweti kabana ti bo.


Beno kusimba ve bima yina kele ya kusumuka, Ebuna mono ta yamba beno.

¹⁸Mono ta vanda tata na beno

Ebuna beno ta vanda bana na mono ya babakala ti bana na mono ya bankento."

Ba-Hebreu 10:25

²⁵Konso ntangu beto fweti kutana kaka na bisambu; beto vanda ve bonso bantu ya nkaka yina ke kwendaka diaka ve na bisambu. Kansi beto fweti pesa kikesa na bampangi ya nkaka na kati na beto sambu beno ke mona nde Kilumbu yina ya Klisto ta sambisa bantu yo yai mpe kele na nzila.



9

BAMPEVE YA MBI—

Kubuya Satana ti bisalu yonso na yandi. Katula mambu yonso ya kindoki na nzo na nge, ti bafetisi ti bankisi yonso ya mutindu yina. Bika kusala mambu yonso ya kindoki, mpe bika kutula nitima na bankisi.



Bisalu 19: 18-20
1 Korinte 10:21




Bisalu 19: 18-20

¹⁸Na kati ya bantu yina vandaka me kituka baklisto, bantu mingi vandaka kwisa kundima masumu na bo ti kuzabisa mambu yina ya bo vandaka kusala. ¹⁹Bantu mingi yina vandaka kusala kindoki, bo nataka mikanda na bo, bo tulaka yo kisika mosi, ebuna bo yokaka yo na meso ya bantu yonso. Ntangu bo tangaka mbongo ya mikanda yina, bo monaka nde yo fwaka ntalu mingi mpenza. ²⁰Yo yina, nsangu ya Mfumu Nzambi vandaka kukuma ngolo ti kumwanganana na ngolo yonso.

1 Korinte 10:21

²¹Beno lenda nwa ve dikopa ya Mfumu Yesu ebuna na nima beno kwisa kunwa diaka dikopa ya bampeve ya imbi. Beno lenda dia ve na mesa ya Mfumu ebuna na nima beno kwisa kudia diaka na mesa ya bampeve ya imbi.



10

NDOLULA —

Lolula bantu ya nkaka mutindu kristo lolulaka mbi na nge.



Matthieu 6:14-15



Matthieu 6:14-15

¹⁴“Sambu, bantu ya nkaka yina me salaka beno imbi, kana beno ke bikisila bo, Tata na beno yina kele na zulu mpe ta bikisila beno.

¹⁵Kansi kana beno ke bikisila bantu ya nkaka ve, Tata na beno mpe ta bikisila beno ve.”

(11)



LUZOLO-

Songa luzolo na bantu
ya nkaka mutindu Kristo
kele kusonga luzolo na nge.



Jean 5:12



Jean 5:12

¹²Ebuna bo yufulaka ya-
ndi nde: "Nani muntu yina tubilaka nge nde: 'Baka mbanzi
na nge, tambula kwa nge?'"

(12)



KUSONGA BAYANKAKA-

Songa bantu ya nkaka nde,
"Mono me balula ntima. Mono
me zenga nde mono ta landa
Yesu Kristo."




Rome 10:14

Rome 10:14

¹⁴Kansi inki mutindu bantu lenda samba Mfumu, kana bo
me tulaka yandi ntete ntima ve? Inki mutindu bo lenda tula
yandi ntima, kana bo me waka ntete ve nsangu na yandi?
Ebuna inki mutindu bo lenda wa nsangu yina, kana muntu
me longaka bo yo ntete ve?





KUYIMBA —

Yimba bankunga ya
bakristo ya kele kupesa
nkembo na Yesu Kristo.



Efeze 5:19



(14)



YANGALALA TI MATONDO —

Yangalala ti tonda Nzambi
konso lumbu.



Filipe 4:4
Efeze 5:20



Efeze 5:19


¹⁹ Beno bula miziki, mpe beno yimba bankunga ya Nzambi na kati na beno sambu na kupesa Mfumu Yesu lukumu na ntima na beno.

Filipe 4:4

⁴ Beno vanda na kiese ntangu yonso sambu na Mfumu Yesu. Mono ke tuba diaka nde: beno vanda na kiese!

Efeze 5:20

²⁰ Beno fweti pesa Tata Nzambi merci ntangu yonso, mpe sambu na mambu yonso, na zina ya Mfumu na beto Yesu Klisto.



MABANZA -
Bika Yesu kuyala
mabanza yonso na nge.

 Filipe 4:8

 Nge
Lenda
Yela

Filipe 4:8

⁸Bampangi, na kumanisa, beno yindula mambu yina kele ya kieleka, ti ya luzitu, ti ya kufwana, ti ya kinzambi, ti ya kiese, ti ya lukumu, ti ya mbote, mpe ya bo fweti zitisa.



SERVICE -

Sosa mpila ya nge lenda
kusadisa to kusadila
dibundu.


 1 Korinte 12:12

 Nge
Lenda
Yela

1 Korinte 12:12

Nitu mosi ke na bandambu mingi

¹²Sambu Klisto kele bonso nitu mosi mpamba yina ke na bandambu mingi; nitu yina kele kaka mosi kwa yo, ata yo ke na bandambu mingi.



(17)

MAKABU-

*Pesa makabu ya mbote
sambu na kusadisa dibundu
na kunwanga Nsangu ya
Mbote*




Bisalu 20:35



Bisalu 20:35

³⁵Na mambu yonso mono vandaka kusonga beno nde beto fweti sala ngolo mpidina sambu na kusadisa bansukami. Beto fweti yindula mambu yai ya Mfumu Yesu tubaka yandi mosi nde: 'Na kupesa ke vandaka na kiese ya kuluta mingi, kansi na kubaka kiese ke vandaka fioti.'"



(18)

MUNOKO-

*Bika Nzambi kuyala munoko
na nge na mambu yonso.
Bika mambu yonso ya
kufinga, ti yantika na
kutuba bandinga ya mbote.*



Efeze 5:4



Efeze 5:4

⁴Yo kele mbote mpe ve beno na kufinga bantu ya nkaka, to na kutuba mambu ya buzoba to mambu ya nsoni. Kansi beno pesa Nzambi merci.



GOVERNEMENT -

Zitisa ti lemvuka na bantwadisi ya nsi, ti lombila nsi yai Nzambi ti bantwadisi yonso na yo.

Romains 13:1-7
1 Timothee 2:1-4



Nge Lenda Yela


Beno lemvuka na bamfumu ya luyalu

13 Konso muntu fweti lemvuka na bamfumu ya luyalu; sambu Nzambi muntu ke pesaka bamfumu yonso kiyeka na kuyala, mpe bamfumu yonso ke yalaka ntangu yai, Nzambi muntu ke tulaka bo na luyalu. ²Yo yina konso muntu yina ke lemvukaka na luyalu ve, yandi ke landaka ve mambu yina ya Nzambi songaka beto na kusala. Ebuna bantu ke salaka mpidina, bo mosi bantu ke sosaka ndola. ³Bantu yina ke salaka mambu ya mbote, bo ke tinaka bamfumu ya luyalu boma ve, kansi bantu yina ke salaka mambu ya imbi, bo bantu ke tinaka bamfumu ya luyalu boma. Kana nge zola tina bo boma ve, nge fweti sala mambu ya mbote, ebuna bo ta pesa nge lukumu. ⁴Sambu bo ke sadilaka Nzambi sambu na mambote na nge. Kansi, kana nge ke salaka mambu ya imbi, nge fweti tina bo boma, sambu bo ke na kiyeka ya kupesa bantu ndola na mpamba ve: bo ke sadilaka Nzambi; bo ke songaka makasi ya Nzambi ntangu bo ke pesa ndola na bantu yina ke salaka mambu ya imbi. ⁵Yo yina beno fweti lemvuka na bamfumu ya luyalu, sambu Nzambi kuwila beno makasi ve, mpe sambu na kulanda mambu yina ya ntima na beno ke songa beno.

⁶Yo yina mpe beno ke futaka mpaku; sambu bamfumu ya luyalu ke sadilaka Nzambi ntangu bo ke salaka kisalu na bo mbote. ⁷Ebuna, beno pesa na konso muntu konso kima yina ya beno fweti pesa: beno futa mpaku na bantu yina ya beno fweti futa mpaku; mpe beno songa luzitu ti lukumu na bantu yonso yina ya beno fweti songa luzitu ti lukumu.

1 Timothee 2:1-4

2 Kima ya ntete ya mono ke lomba na baklisto yonso, yo yai: ntangu bo ke samba Nzambi, konso mambu ya bo ke lomba yandi bo lomba ntete sambu na bo mosi, ebuna bo lomba mpe sambu na bantu ya nkaka, mpe bo pesa yandi merci sambu na bantu yonso; ²bo samba Nzambi sambu na bamfumu ya nene ti sambu na bantu ya nkaka yina ke yalaka bantu na mpila nde beto kuvanda na luzingu mosi ya pima ti ya ngemba, mpe beto kuzinga na kinzambi ti na luzitu yonso. ³Yina kele mambu ya mbote yina ke pesaka kiese na Mvulusi na beto Nzambi. ⁴Yandi zola nde bantu yonso kuguluka, mpe bo kuzaba mambu ya kieleka.



DIBALA -

Zitisa dibala ti kubuya mambu yonso ya bizumba.



Ba-Hebreu 13:4
Efeze 5:33



Nge Lenda Yela

Filipe 4:6-7

⁶Beno kumona mpasi ve na ntima sambu na konso mambu yina; kansi, konso ntangu ya beno ke samba Nzambi, beno lomba yandi konso mambu yina ya beno ke na yo mfunu; ntangu beno ke lomba yandi yo, beno pesa yandi merci. ⁷Ebuna ngemba ya Nzambi, ngemba yina me luta mambu yonso ya bantu ke yindulaka, yo ta keba ntima na beno ti mabanza na beno, sambu na kimvuka yina ya beno kele ti Klisto Yesu.

Efeze 3:12

¹²Sambu na kimvuka yina ya beto kele ti Klisto, mpe sambu beto ke tulaka yandi ntima, beto ke na inswa ya kutelama na meso ya Nzambi na kikesa yonso.

Luc 4:8

⁸Yesu nde: "Bo sonikaka na Mukanda ya Nzambi nde: 'Nge fweti samba Mfumu, Nzambi na nge. Kaka yandi mpamba nge fweti samba!'"

1 Timothee 2:15

¹⁵Sambu Nzambi mosi kaka kele, mpe muntu mosi kaka kele yina ke vukisaka Nzambi ti bantu. Muntu yina kele Klisto Yesu.

21

Continuer (Kubika Ve) na kusala mambu yai yonso.

 Jean 8:31

31 Yesu tubilaka Bazwif yina ndimaka yandi nde: "Kana beno ke landa malongi na mono, ya kieleka, beno keke balonguki na mono: _____"

Distribué par:
Ministères pour Chaque Enfant
mamalorella@yahoo.com